



## Waarom sing die kerk?

**Min dinge van die Christelike kerk is so kenmerkend as haar sang. Sang is nog altyd deel van die kerk se aanbidding – van die vroegste gelowiges tot hedendaagse gemeentes. Die vraag is egter: *Waarom sing die kerk?***

'n Moontlike antwoord is: **Die kerk sing omdat God eerste gepraat het.** Die geloof begin by God se openbaring. Hy spreek en ons antwoord. Hy roep en ons reageer. Gemeentesang is daarom nie bloot 'n emosionele belewenis nie; dit is die antwoord van die gemeente op die lewende God wat Homself in Jesus Christus bekendgemaak het.

Juis daarom het die Reformasie die gemeente se sang so hoog geag. Hervormers soos Luther en Calvyn het, elk op hul eie manier, beklemtoon dat die hele gemeente moet deelneem aan die lofprijsing van God. Sang behoort nie slegs aan 'n koor, 'n voorsanger of die musikale elite nie. Dit is die stem van die hele gemeente wat saam bely, bid, kla, dank en hoop. Wanneer die kerk sing, word die evangelie nie net verkondig nie; dit word deur die gemeente toegeëien.

In die Afrikaanse kerklike tradisie het hierdie oortuiging oor geslagte heen gestalte gekry. Die Psalms, gesange en later ook ander kerkliedere het die geloof van duisende mense gevorm. Baie gelowiges onthou nie noodwendig elke preek wat hulle gehoor het nie, maar wel die liedere wat hulle saam met hul gemeente gesing het. Liedere word deel van ons geestelike geheue. Hulle gee woorde wanneer vreugde ons oorweldig, maar ook wanneer verdriet, twyfel of verlies ons sprakeloos laat.

Daarom is dit belangrik dat die kerk aanhou sing en ook aanhou om nuwe liedere te skryf. Elke geslag moet immers die ou evangelie verwoord. Dit beteken nie dat die kerk haar skat van klassieke liedere agterlaat nie. Intendeel, nuwe liedere behoort in gesprek te tree met die ryk tradisie van die kerk deur die eeue.

Hierin lê die rol van **VONKK (Voortgesette Ontwikkeling van Klassieke Kerkmusiek)**. Die naam herinner ons daaraan dat kerkmusiek nie 'n museumstuk is nie, maar 'n lewende tradisie wat voortdurend ontwikkel. VONKK wil nie die klassieke erfenis van Afrikaanse gemeentelike sang vervang nie – dit wil daardie erfenis help voortdra deur liedere te skep wat met dieselfde teologiese diepte en musikale gehalte die geloof van vandag se gemeentes kan dien.

Ons leef in 'n tyd waarin kerkmusiek wêreldwyd uiteenlopende rigtings inslaan. Sommige kerke of gemeentes kies kontemporêre aanbiddingsvorme, ander ontdek opnuut die waarde van klassieke himnologie, ryk teksinhoud en gemeentelike deelname. VONKK staan bewustelik in hierdie tweede tradisie. Hier is die gemeente die primêre draer van die sang. Die orrel as begeleidingsinstrument dien nie as vertoning nie, maar ondersteun die stemme van gelowiges wat God saam loof.

Wanneer die kerk sing, gebeur daar iets wat geen preek, boek of persoonlike gebed alleen kan bereik nie: individue word 'n gemeente. Afsonderlike stemme word een belydenis. Gemeentesang vorm nie net ons aanbidding nie; dit vorm ons identiteit as die liggaam van Christus. Die kerk sing omdat God waardig is om geloof, gehoorsaamheid en lof te ontvang. En terwyl ons sing, vorm Hy ons deur sy Woord tot sy volk wat sy groot daad bly verkondig – vandag, môre en vir die geslagte wat nog kom.

As die kerk ooit ophou sing, sou sy nie meer wees wie God haar geroep het om te wees nie.

**Ds Hannes van der Merwe**  
(Voorsitter: VONKK/Pretoria-Oos)

Om *Blitspos* te ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan [taal@nhk.co.za](mailto:taal@nhk.co.za)

Die plasing van teksadvertensies is gratis vir gemeentes. Advertensies met grafika beloop R350 per uitgawe. Klik asseblief *hier* vir meer inligting en voorwaardes.

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

## Lief en leed



Mnr Hansie Coertse



Mnr Bart Diedericks  
en gesin

- Die Kerk wens graag die volgende lidmate geluk met hul **99ste verjaarsdag**. Mag God julle ryklik seën.
  - **Mnr Hansie Coertse**, pa van **mev Francis Nel** (Sinodale Dienssentrum), het op 31 Julie verjaar. Hy is 'n lidmaat van Gemeente Magaliesmoot.
  - **Mnr Bart Diedericks** het op 5 Augustus verjaar. Hy is 'n lidmaat van Gemeente Delareyville.
- **Die volgende predikante verjaar tot 21 Augustus. Die Kerk wens u 'n geseënde lewensjaar toe.**
  - Donderdag 13 Augustus: Ds JMJ (Jan) de Wet (emeritus)
  - Saterdag 15 Augustus: Ds Z (Zilcha) Mostert (Louis Trichardt)
  - Dinsdag 18 Augustus: Dr GMJ (Gafie) van Wyk (emeritus)
  - Woensdag 19 Augustus: Dr CJ (Christo) Viljoen (emeritus), di HF (Hennie) la Grange (emeritus/Kampersrus Hoedspruit), en JD (John) Putter (emeritus)
  - Donderdag 20 Augustus: Di Y (Yvette) Scholtz (Meyerton), en MM (MARIKE) van der Merwe (nie-diensdoende)

## Vergaderings

- Vrydag 21 Augustus: Raad van Finansies

## Gemeentes en bediening



Dr Jan Vorster

- **Dr JH (Jan) Vorster (emeritus)** het die beroep na **Jeffreysbaai/Port Elizabeth** (deeltyds) aanvaar. Sy bevestiging in die gemeente vind op 20 September plaas.
- Enige saak wat volgens die Kerkorde onder die aandag van die **Kommissie van die AKV** gebring moet word, moet mev Karen Breedts ([karen@nhk.co.za](mailto:karen@nhk.co.za)) asseblief **teen 24 Augustus** bereik vir die vergadering van **3 en 4 September**. **Geen laat sake** sal in die agenda opgeneem word nie.

## Werkgeleenthede

- **Bedieningsruimte: Gemeente Panorama**

Gemeente Panorama wat saamgesmelt het uit gemeentes Witrivier, Sabie en Hazyview nooi aansoeke van gelegitimeerde en geëmeriteerde predikante van die NHKA vir die vul van 'n deeltydse bedieningsruimte.

### Die bedieningsopdrag:

Die aangestelde predikant sal verantwoordelik wees vir die bediening van die drie bedieningspunte, naamlik Witrivier, Sabie en Hazyview. Die bediening geskied tans op die volgende basis: twee eredienste elke Sondag, een diens word in Witrivier gehou, en die ander diens wissel tussen Sabie en Hazyview af, met lewendige stroming tussen Sabie en Hazyview.

### Vir verdere inligting:

Kontak gerus vir ds Willem Breytenbach by 083 701 9852 of Jurie Snyman by 013 750 1070 vir meer inligting. Aansoeke, vergesel van 'n volledige CV, moet aan ds Breytenbach by [willem.breytenbach@outlook.com](mailto:willem.breytenbach@outlook.com) gestuur word.

**Die sluitingsdatum** vir aansoeke is **30 September 2026**. Kortlyskandidate sal versoek word om 'n erediens by die Witrivier-bedieningspunt te lei.

## Kerklike en ander publikasies



**R300**

**DIE UITGEBREIDE LITURGIESE KALENDER**

'n Kategismus, asook historiese en teologiese toeligting

'n Boek wat elke predikant en belangstellende lidmaat moet hê om elke Sondag op 'n verantwoordelike wyse met die kerklike jaar, en so met die evangelie om te gaan!

Geskryf deur prof **Natie van Wyk**

**Bestel van mev Sarie Roux by [boekwinkel@nhk.co.za](mailto:boekwinkel@nhk.co.za)**

## Kom kyk en luister saam

- Die *Bybelse Dagboek* se **dagstukkies** is nou ook op 'n Donderdag in **videoformaat** op sosiale media beskikbaar. Kyk gerus **hier** saam na die afgelope week se plasing. Onthou ook dat die dagstukkies daagliks op Facebook in teksvorm gedeel word.

## 'n Gedagte

Jesus, my rusplek, my troos.  
Jesus, my skuilplek, my hart rus in U.  
U is my vrede, my lewe, my rus.  
Heilig, almagtig, U's groot!  
Ewig, onmeetbaar,  
u krag ken geen end.  
En tog kies U broosheid om harte te wen.  
Lewende Water, my Hoop:  
ek dors na U!

**VONKK 400**

## Fondsinsamelings en Kersake

**Vertel ons asseblief van geleenthede by jul gemeentes.** Stuur asseblief die besonderhede na: [taal@nhk.co.za](mailto:taal@nhk.co.za).

|                            |                                                                                                                                                                                                                                                                                                                                                                                           |
|----------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 21 Augustus<br>vanaf 17:00 | <b>Gemeente Pretoria-Oos: Steve onder die sterre.</b> Kom ondersteun hierdie fondsinsamelingsprojek vir die <b>diens en herstel van die orrel</b> . Koste: R200 per volwassene of R500 per gesin. Die aand gaan die vorm van 'n <b>mini-basaar</b> aanneem. <b>Kaartjies</b> is beskikbaar by die kerkkantoor by 012 460 8441. Bring asseblief jul eie <b>kampstoele</b> .                |
| 22 Augustus<br>vanaf 14:00 | <b>Gemeente Outjo en Otjiwarongo: Kom speel saam met ons naggholf en geniet ons basaar.</b> Die naggholf begin 14:00 met nege putjies, gevolg deur aandete en 'n verdere nege putjies. By die basaar is daar onder andere heerlike pannekoek, biltong en stalletjies. Vir meer inligting, <b>kontak</b> : Sunet Hayward by 081 224 1717, Tony by 081 213 3720 of Elsebie by 081 229 6490. |
| 28 Augustus<br>19:00       | <b>Gemeente Schoemansdal: Magda Louw en haar Erhard</b> kom kuier met hul vertoning <b>How Louw can you go?</b> Kaartjies kos R220 per persoon en is beskikbaar by <b>Lezl by die kantoor</b> by 012 253 0146. Dit is 'n <b>fondsinsamelingsprojek ten bate van die NHSV</b> .                                                                                                            |



|                                         |                                                                                                                                                                                                                                                                                                                                                                                                                                                                                                                                                                                                                                                                                                                                                                               |
|-----------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 29 Augustus<br>vanaf 07:30 tot<br>14:30 | <b>Gemeente Witfontein Delwersfees:</b> Jy word uitgenooi om Gemeente Witfontein se 23ste Delwersfees te kom ervaar te NHK Witfontein (Stasiestraat 750, Pretoria Noord). Kom delf saam met ons op soek na R43 000 se kontantpryse. Sertifikate teen R25 elk, wat jou in staat stel om te delf, kan <i>hier</i> gekoop word. Daar sal ook heerlike basaarkos en somer baie vermaak wees vir 'n gesellige saamkuier. Kom vroeg vir die Pelgrimsontbyt. Kom geniet al die vars gebak en vars produkte. Daar is 'n massiewe pretpark vir die kinders en die Witfontein Stasiestraat Junction-treintjie sal groot vermaak verskaf. Om 11:00 is daar 'n Hannon <i>Make Over Roadshow</i> teen R150. Kontak vir ds Jimmy 083 254 4771 of ds Janine 083 260 0983 vir meer inligting. |
| Sluitingsdatum:<br>30 September         | <b>Gemeente Dullstroom:</b> Koop 'n <b>lootjie</b> teen R100 en staan 'n kans om <b>een van drie vakansies</b> te wen. Kaartjies kan by die gemeente gekoop word deur 'n <b>inbetaling</b> in die gemeente se bankrekening te doen. Bankbesonderhede: FNB, rekeningnommer: 62049581516. Gebruik asseblief u naam as verwysing. <b>Bewys van betaling</b> moet aan Hannelie by 082 839 5669 gestuur word om u <b>kaartjienommer</b> te ontvang.                                                                                                                                                                                                                                                                                                                                |

*Hulp benodig vir matriekafskeid*

Die meisies van die DPS Huise se matriekafskeid is om die draai.  
Ons wil graag die geleentheid vir hulle spesiaal maak.

Ons benodig hulp met die volgende:

- Donasies vir die aankoop van rokke
- Grimeerkunstenaar
- Iemand wat hulle hare en naels kan doen
- Skoene



Kontak asseblief vir ds Rue Hopley by 079 502 1990 indien jy kan help.

# 20 Augustus 2026

## Silver Lakes Golf & Wildlife Estate TEN BATE VAN KINDERBESKERMING

‡ Skryf 'n 4-bal in vir R5 200 - 2 gholffkarretjies, halfweg- en aandete ingesluit

‡ Borg 'n putjie R2 200 - 2 middagetes ingesluit

‡ 4-bal plus putjeborg vir slegs R6 800





**DRIVE FOR A CHILD**
**064 437 5997**
**info@rata.org.za**
**www.driveforachild.co.za**

## Toerusting

- Die **Religious Justice Initiative (RJI)**, in vennootskap met die **Desmond Tutu Sentrum vir Religieuse en Sosiale Geregtigheid (Universiteit van die Wes-Kaap)** en die **Canon Collins Trust** nooi u uit om 'n webinaar by te woon oor **die rol van die kerk**. Tydens die webinaar sal die krisis in Suid-Afrika in oënskou geneem word en oorweging sal geskenk word aan die godsdienstige gemeenskappe en studente se reaksie hierop.

Sprekers sluit die volgende persone in:

- Biskop Paul Verryn
- Ivor Baatjes
- Dr Thandi Gamedze
- Dr Precious Simba

**Datum:** 19 Augustus

**Tyd:** 16:30 tot 18:00

Klik [hier](#) om te registreer.

## Barmhartigheid

- Klik asseblief [hier](#) vir meer inligting oor **seniorbehuising en -versorging**.

## Gebed vir die week

Here God,  
help my om bewus te wees dat U by my is,  
dat om aan U toegewy te wees en U te vertrou,  
die doel van my lewe is.  
Gee dat ek dit wat U aan my gee tot u eer sal gebruik.  
Amen.

<https://versndag.co.za/index.php/vers-n-dag-dagstukkies-79566/7339-lewend-vir-god-vertrou-en-gehoorsaam-hom-12-augustus-2026>